

礪山宋氏族譜

丙午舊譜序跋

愚聞程子曰管攝天下人心收宗族厚風俗使人不忘本須是明譜系又曰宗子法廢後世譜牒尙有遺風譜牒又廢人家不知來處無百年之家骨肉無統雖至親恩亦薄張子曰宗法若立則人各知來處朝廷大有所益或問朝廷何所益曰公卿各保其家忠義豈有不立忠義既立朝廷豈有不固以此二先生之說觀之則修譜牒明世系非但人之所急其有關於天下國家者尙矣嗚呼有天地即有此身之始則宋氏之來逃矣耳目所未及不可言蓋自高麗中葉以來吾先祖貞烈公自礪良出而爲大用於世由是溯而上之三代出處官爵始得垂示後昆故四百年來以貞烈爲宗而支流餘裔散處四方傳子傳孫皆以礪爲貫而多有聞者余自少時見先人亦有譜牒傳于家而人事不幸壬辰兵戈家業蕩失寧有存者收復之後歷問諸宋以求世譜而了無所聞礪山有宋元慶氏有平日所記而示之則古人旣畧舉今人多不在詳於異姓而畧於同宗殊可恨憾余傷歎之適仕于朝多奉使外方且在京亦有引接之意故宋之聞者多抵焉相逢輒問其先系及後派而書之方期間錄無遺以成同宗盛牒近者年紀已暮忽得風痺一朝溘然則所記者亦將泯沒而吾宗人子弟必皆爲貿貿矣茲用只書子姓及

女婿外孫而止且錄所聞吾先世終始及傍親之或有所聞者並畧懸註脚以爲後覽非是詳
悉聞見而著者吾宗人有意者亦各將聞見添入于此幸甚先世簪纓之盛莫吾宋若而今之
衰微已甚雖欲於未死前入梓久傳誰與爲謀幸吾同志者思而足之切冀切冀噫此豈獨爲
吾一家設收宗族厚風俗使人不忘本而於朝廷亦大有所益者濫自附於二先生之教而公
卿士大夫家或不以愚所爲爲非皆有意於保其家而立忠義則吾所計者亦不至於左矣敢
書拙意以冠于卷云時萬曆紀元之丙午秋九月下澣後孫正憲大夫知中樞府事兼同知成
均館事宋言慎序

手書一本藏之巾衍隨得隨書不厭添改以俟後便而患故連仍星霜荏苒老病日淡恐爲
遺恨今族侄宰清州乃大藩俸餘可辦此近令孫文吉淨寫以送使入板非詳盡也時庚戌
仲春下澣壺峯書于廣居之放庵

壺峯判相哀集礪山宋氏族譜自始祖以下分其宗派錄其後裔甚詳盡無非孝思睦義中出
也駟適忝守西原鳩工入梓而唐津倅克訥丹陽倅瑄全義倅騁同宰一道並力克成亦吾宗
姓之一幸也時萬曆三十八年庚戌八月日後孫通訓大夫行清州牧使清州鎮兵馬僉節制
使兼春秋館編修官宋駟跋

癸巳舊譜序跋

家譜猶國史也纂史史氏職耳惟修譜何希觀也古人云尊祖故敬宗敬宗故修族重本之義尚已世稱茂閣盛牒間一二代無記則同宗散爲道人保合急矣礪良宋氏舊有譜而亾之往也宋尚書公籍諸宗而重修而屬望宗人同志者繼焉乃今四紀餘始得宋君克家甫能張大之釐其踈畧續其流派班班乎備矣其篤於重本之義歟旣成謂爾徵先祖載在外裔要一言爲叙不敢辭辛卯八月下澣嘉義大夫工曹叅判兼同知春秋館事呂爾徵書

我宗文壺峯宋尚書言慎萬曆丙午秋撰礪山宋氏族譜其收宗族不忘本之意至矣盡矣庚戌春吾先君奉檄西原始鈔一本而第壺峯所撰止於二世頗欠踈畧序文亦曰方期間錄無遺以成盛牒年紀已暮一朝溘然則所記者亦將泯沒欲於未死前入梓久傳幸吾同志思而足之云宋熙業克家公更加兩世於二世之下添錄諸孫之未入前譜者分作上下卷淨寫改刊實出於修譜牒厚風俗之意也且興陽宋嵩子孫之以礪爲貫者壺峯修譜時無有所攷未及並錄今也克家公廣詢博考則五世孫琰之子惲惲之子之成之成之子嵩高之子仁忠得忠兄弟也惜乎其後裔遠在遐方不早來質也茲不獲已並與宋重器子孫中未記者別爲追書於譜末何恨如之克家公俾記顛末不敢辭焉癸巳孟夏上澣後孫嘉善大夫京畿觀察使

宋時古謹記

龍蛇之難諸家譜牒盡亾於兵燹丙午年間壺峯宋尙書哀集各派編作一冊刊行於世豈非吾宗之大幸而第其外派至孫而止則得無簡乎若盡載外裔則亦未免太繁茲加曾玄二世纂次入梓以爲永久之傳歲舍玄默執徐夷則哉生魄後孫宋熙業謹跋

癸巳年間修刊姓譜時多有隨後書送之處故不得已追錄付於卷末且財力不足板子難辨行短之類或書二三層既成之後徒懷不滿之恨今者稀年抱痾就木不遠雖欲編次後日難期只以前所錄更搆此草以待早晚有志之人云乙未清和上澣宋熙業追記

甲辰舊譜序

礪宋之移居興陽其來已久舊有家譜盡失於丁酉兵燹往者宋尙書修譜時以吾宗居在遠地不及問錄吾宗亦不能達焉常以爲恨在癸巳年宗丈宋高陽重修廣問以爲盛牒其時吾宗族書送世系不及於修刊之日與宋重器子孫俱載於追錄中其爲歎恨又如何哉高陽亦以是常懷不滿之恨更搆完草將欲鋟梓而財力不足板子難辦加以沉痾志願未遂以其草屬于磐曰興陽宗族衆多板與財皆易辦不待京外諸宗之助而可能刊歟余應曰諾將其草示之宗族則皆願刊行卽鳩財力而經營之間遽經十載高陽已歿無所更質可勝歎哉茲依

前草更添未及錄子孫二代而畧焉役始三月之晦至仲夏之望乃克斷手以遂吾宗之願亦成高陽之志云歲在青龍仲夏上澣後孫宋磐謹記

戊申舊譜序

孝者人道之本知孝親則知敬祖知敬祖則斯知所以重本始而敦姓族古君子必以譜牒爲重者其亦孝敬之推也歟我宋自麗朝貞烈公至于今五百餘年之間簪組不絕名德相望支姓之布在京外者殆不可勝數蓋亦吾東甲乙之族宗中舊有譜而盡亾於兵燹尙書郡守兩公更撰重修刊行於世而又以續修不住之意有望於宗人則斯可謂淡得孝敬之義而惜乎闕而不繼者幾過數代骨肉將成路人人心無所管攝宗人枝明氏爲是之懼倡議重修哀集各派添錄諸支經營剗工遽告訖昭穆秩然爲一完書斯固宗中之大幸而若枝明氏可謂無負先輩之望其於孝敬亦庶矣後之來者能有繼此如枝明氏之於尙書公者否此又諸宗人之望也歲在己酉十月下澣後孫嘉義大夫行平安道觀察使宋寅明序

家譜猶國史也國無史往事不可紀家無譜先系不可知苟有不知其先系其弊將至於何極也此先賢輩所以譜牒爲重而壺峯壺隱相繼重修又以繼述無窮之意屬望於後世宗人者也惜乎壺峯所撰出於兵燹之後而哀集聞見有若創始故各派世系則著錄無遺至於官爵

或失而不傳壺隱修刊始於耳順之末而恐有未就唯其速成故所失官爵則有所添改至於同宗未盡收錄而于今七十有八載亦未有繼之者則其後來派累代無紀者理所固然不必致訝而第在慎重之道不可不察故凡諸職啣之不載舊譜者或有先系之累世見漏者必有可徵之文然後皆懸註入錄不然則置之此雖出於不獲已亦無慊於淳古乎且丙午刊譜各派外裔只書女婿及外孫子女至於癸巳以爲太簡更加而二世添錄曾玄此固詳於外孫而可爲永久之傳然而其曾玄四代之間多有本宗之復入者則當今宗議之可刪二世而復從丙午云者非徒近似亦吾宗中所聚物力果有不足不能體先進而減其兩世茲亦非愚之反古難免自專之追責且如各派諱字上下往來處只以天地玄字數反覆尋見而分派代數更無分別則某孫某裔來派難曉六世十一世代數不明故今於起頭諱字之上悉置章數表以別之則分派曉然昭穆秩然矣噫去丁未冬十月關北伯眞明甫與京外諸宗不以愚之庸陋旣托大事而黃州牧徵奎氏殷山倅徵啓氏與亞銓公成明甫關西伯寅明甫江西倅翼輔甫亦皆助力然抱痾老拙今踰耳順後日難期恐其不效收單畢於數月工亦訖於周年故若子居窮巷處或未暨聲聞其追聞而未叅者亦財乏而難改不得入於正次而以待早晚同志者繼焉其爲歎恨可勝言哉崇禎紀元後再周己酉十一月上海後孫宋枝明謹跋

戊午舊譜序

我宋氏舊有譜失於壬辰兵燹重修於丙午續成於癸巳而世代寢降子姓繁衍宜補錄而不補錄者久矣所謂甲辰譜戊申譜出於一時苟成無足考信試手編摩無其人此吾宗之所慨恨也今上舍琦景魏明於譜學精於宗法一日訪我於陶臯之上曰諸宗有意改譜則吾敢不盡心擔當余樂聞而力贊之景魏歸而議諸一家遂發文通告于京外宗人收聚各派卅系序昭穆別適庶又旁搜他譜博考史乘凡生卒科官年甲昭然各代名下分行列書至纖悉無遺漏首尾卅一編開卷瞭然規模制置凡例詳矣該備緻密舊譜所無既成用鑄字印行斯可謂六百年來一完書也噫礪良著姓寔自麗代自始祖以降今至二十有餘世矣譬之於木則自根而榦自榦而枝枝葉之繁不翅巨億而顧其本則豈非同出乎一根者耶後之裔孫末屬徒知自有其身而不能推念吾身之所自來僅辨近兄弟而不識踈遠之族自我始祖視之同是血脉則此猶無根之本也由是而尊祖敬宗之風蔑焉敦親恤族之義掃如可不懼哉此譜牒之所以設也蘇明允所謂孝悌之心油然而生者其歸重於譜可知也凡我同姓覽斯譜者無或忽焉余既敘改修顛末于前畧有勸勉于後云爾歲己未二月日後孫資憲大夫原任禮曹判書兼知義禁府事同知 經筵春秋館成均館事弘文館提學五衛都摠府都摠管宋成明

書于松石軒

有氏必有譜譜者所以推本而達枝厚倫而敦俗古人所謂孝悌之心油然而生者譜之不可已如此而其亦可謂孝悌之具也歟然自夫俗夸而文勝氏族之譜盛行於世幾乎家鏡而戶印則是豈皆有得於古人孝悌之意耶譜有二難得譜法爲難推譜意爲尤難昧於作譜之法而倫序不嚴忽於設譜之意而仁恩不廣則譜爲虛設而未見其爲孝悌之具此又譜家之所可戒也我宋亦吾東甲乙之族源遠流長柯葉彙茂得姓以來凡三續譜而最後戊申譜出惜其任續成之役者知識不博紕繆居多宗中咸病之宋上庠琦景魏氏博學有文於譜法得三昧慨然以修譜爲己任爬櫛蒐羅正其訛而補其漏譜始粹然無疵秩然有法旣卒編用活字印出書凡八冊噫是譜也得景魏氏而於向所謂難之一己能之矣若夫卽是譜而推其意知萬殊之一源戒骨肉之路人正倫理而篤恩愛有以卒能其難之尤者此又諸宗人之責也於斯二者而能之方可謂譜不虛設又方可謂孝悌之具盍相與勉之哉己未仲夏後孫大匡輔國崇祿大夫議政府左議政兼領 經筵事監春秋館事 世子傅宋寅明謹識

夫樂樂其所自生禮不忘其本六藝所載詩書所述其義孰有大於是者昔遷固自敘其世遠自重黎高項歐陽公亦溯至大禹則皆出於重本推遠之意而獨其舉直派而闕旁支蓋不能

無偏此程子所以修明譜牒又惓惓於收宗族厚風俗也宋氏譜失於壬辰兵難後有丙午癸巳二本丙午則尙書公言慎所裒集而高王父知樞公西原時登梓事見其跋文癸巳則高陽公熙業所增補而曾王父叅判公續有序識之又其後七十六年而戊申譜出今去戊申僅一紀耳耳目所接宜無所不得其詳而惜其譜急於刊行未悉商畧舛僞紊雜不足傳信於後也噫不有譜固無以溯其源達其支而世益遠子姓益繁矣則又不得不隨補而隨繼之此其勢然爾審然則譜而無補是絕其序也補而失正是亂其統也絕與亂雖殊其無所考據一也族弟琦景魏性敏尙譜學明於宗法唱言改譜慨然有主張意諸宗咸一辭諾之於是按舊譜各從其近屬廣加蒐錄序昭穆別適庶致其嚴密又旁採史乘並取碑文凡有關於譜者靡不備載其他規模法例比舊本益該悉編旣卒人出力用鑄字印布而譜始完豈非吾宗一大幸歟竊自念我宋大姓也自得姓來其可述者實始於麗朝貞烈公溯以上之僅三世總計世數止於二十有餘視向之遷回歐陽公所自敘者又何其近也雖然貞烈公以下比三世爲相勳庸蓋世自其後益昌以大至今六百餘年之間家襲冠冕名德相望又未嘗有身蹈世禍累我門閥者此殆我先祖種德毓祉以啓我子孫無窮之休彼祖於上世而玄遠無徵者又何足多哉嗚呼所貴乎譜者以知其有吾身也知其有吾身者以知其有吾先也人之生本乎一自一而

爲百爲千以至於億其麗卒之爲所不知之路人然自吾先而視吾之視路人者同一血脉而無親疎厚薄之別人能以其愛父母之心愛其父母之所愛雖易十世則亦不遠此孝悌之心所以油然而推是心而保其家忠義則立此朝廷所以大有益也不如是顧何事於譜抑余有感於斯始丙午癸巳二譜之役高曾兩王考實與其議而相之終又續成於景魏事若有待於今日余故不敢不一言以附二祖致親之義而又以見斯譜之整釐寔出景魏之苦心云上之十五年己未三月日後孫通訓大夫行司憲府執義知製 教宋瓊謹序

丁巳舊譜序

惟我宋氏戊午譜實我宗上庠琦景魏氏所編修而刊行者也距今六十年後裔皆不載錄派系難辨宗中諸議業欲修改而未果矣庚戌十二月日合族而會之相與謀曰修譜不可不亟發文京鄉收諸宗內外派裔合而第次之反覆校正作爲二十編其規模大體畧遵舊譜更加釐正既又遍告八方各聚財力以付剞劂凡八年譜克始完豈非幸歟翼著仍竊念所貴乎譜者非著世系記子孫以識遠近昭穆之序而已蓋將使後世觀之考先德追遺烈以治其身維持其家者也我宋系于礪良者六百年矣始顯於高麗漸大於中葉以後嬋娟益盛仍爲巨閥貞烈公蓋世之勳恬澹之節史傳最著其後子孫益昌以大家襲冠冕名德相望如礪城君恭

武公之恬雅巡撫使忠剛公之貞靖文節公之剛正肅靖公之忠質賢良校理公之篤學守正
忠烈泉谷公之捨生取義壺峯公之仁厚盤谷公之廉簡頤庵公之博學泛虛公之敦行松石
公之文雅清靜藏密公之忠盡才猷皆可師範於一姓之中而各盡其長處而擴充則庶可躋
夫子所謂成人之道矣此後昆之不可不知者也方正學有言曰人善則門榮人惡則門賤奉
悉營禁芻牧非奉先之至也保田宅治財產得免負薪之患者非所以世其家也凡我同宗若
子若孫相與勉戒念先祖積累慶隲之所自篤學力行修孝悌之道也勉報本之誠而敦睦族
之誼則吾家門祚之隆將益引於無窮而爲世族之矜式矣顧如翼著魯莽白首潦倒嘗自悼
其忝負先烈今宗中猥以序文見屬遂並書其平日所愧於心者敢以勉諸宗且爲後人告丁
巳仲夏後孫繕工監監役宋翼著謹序

丁巳重修譜序跋

我朝宋東方著姓也自高麗樞密副使公以來連世冠冕至元尹少尹知申正嘉四公而派始
分矣及我朝四派后孫益昌以大節義學問勳業名行繼述不絕磊落相望指不勝僂誠氏
族之望而簪纓之閥也后裔之前後譜牒互相修續大譜不必疊焉但歲紀之久各派之士姓
蕃衍散在八域而加之以區宇幻變人紀解弛莫可以整頓則于斯時也烏可無合宗族而尙

敦睦修敬愛會萬歸一以成一家之治哉於是乎僉議峻發修大譜於礪山之永護齋會單牒
正系緒方下手於活印矣規模則倣乎丁巳之舊而其間亦自有櫜括者存焉按文可知其節
次矣竊觀近世譜書殆姓尊閣而問其所以則不過曰某爲某之名祖某爲某祖之后昆而
已茫然於上治傍治之爲神髓所以爲譜也果如是而止乎今吾礪山氏既合四家名祖列干
一焉則敦睦敬愛之心可油然而生矣在後承當各盡吾義分益懋厥德不沫先徽令人稱之
曰風雛無凡毛駿駒無劣蹄則是所謂上治之一也上治之既厚則又須也一視同根雖惠未
周於范庄交互勸懲打成一團何難於傍治也苟或不然聖人所謂觚哉觚哉嗚呼非所貴於
吾譜也凡吾宗之譜此譜者率茲以往惟敦睦敬愛之是務致得悠久吉善之祉則吾宗之可
炳煥於無窮而不失爲東方之各閥矣蓋相與勉之疆圉大荒落元月之下澣後孫宋敦浩謹
序

我宋素以簪纓大家忠良顯達繼出於 聖明之世恩榮上及祖宗下垂後昆于今七八百年
矣越自丙午壺峯言慎氏歷求漏禍文蹟於壬辰搶攘之餘以成同宗盛牒四派昭穆畧備無
遺篇首舉程張二先生收宗族厚風俗立忠義保其家之語以示譜牒之有關於家國判相之
意固淡且遠矣年紀換移世系遙遠子孫本支繁衍則不可無間間記載至於癸巳壺隱熙業

氏添錄子孫中未入前譜者分作上下卷以篤重本之義至於甲辰叅奉磐氏因壺峯公遠地宗族不及問錄常以爲恨之意更爲追錄以敦宗誼至於戊申相公寅明氏述孝親敬祖之義更以續修不住之意屬望後人至於戊午判書成明氏書于松石軒譬人之有祖猶木之有根有幹以著尊敬敦恤之義至於丁巳監役翼著氏剏立規模闡揭先烈願世世矜式其後或合或分而距今百有餘載矣祥熙素以菲質見淺識薄猥以宗有司之名于今數年諸宗修譜之議已久而當此變革之世尤不可無一番大同因其浩大有意未果矣去甲寅冬始祖墓享祀時京鄉諸宗齊會而謨及此事一如相應卽發文于各地宗族收其內外派裔次序校正畧遵舊譜式樣不過三載克竣成編豈非幸歟且僻處居宗曾有遺漏者今焉畢至繼續同譜其於宗誼也大矣後來者與我同志繼修相傳不替于永遠是大望也丁巳二月下泮後孫通政大夫行谷城郡守宋祥熙謹序

譜可作乎作則難於正分而辨疑譜可不作乎不則無以昭世而收遠噫吾貫礪之宋起祖於麗之中葉抵今槩二十七八世譜凡六七作而以萬曆丙午作爲始蓋以耳目所可及者追記前四百年其時子姓有盛有衰或顯或微不惟於祖先宦爵出處有或未得詳悉安知無子遠未聞失系無徵而不見收錄者乎雖在晚後苟有可徵之文懸註入錄舊譜之例也凡吾宋之

著而得可述者始祖後曰四派四派之宗蕃衍昌大遍於八域而兩湖畿嶺之間尤多焉數以萬計亦可謂吾東巨閥自貞烈公後上世名德簪纓之盛莫我宋若而今日衰替之極亦無我宋比否秦相尋雖理之常數然豈可一任諸天而不各盡吾自修之道乎吾譜自丁巳後或合或分而今日之大同亦天也嗚乎七八百年中一祖之宗載錄相傳而世道之變遷者數矣其或有絕而願系者存而不入者亦聽其自由所以於等位名級之別自不無隨時沿革而且念夫往時尙文家各有譜氏族之源委班班可考而不幸當今之日未知將來亦復有踵舊而作者乎此及吾譜之所不得不力而不但以六十餘年之久而汲汲於修錄也後承之覽斯譜者有能會得此意否耶濫附一言以續伴鶴公判書公二祖之志云丁巳五月上澣後孫通訓大夫弘文館校理知製

教兼

經筵侍讀官春秋館記注官宋益勉序

歲今丁巳惟我大同譜成首尾凡三載而二十八九世七百有餘年之蹟瞭然於此誠我宋之乘史也溯而考之有事焉有意焉有義焉而孝悌之心油然而生者亦可謂云爾矣夫我宋之遍于國中以礪爲貫者雖有顯微遠近之異要之俱不出於四派之外若不統紀于一則至親之爲路人烏得免乎此所以丙午之譜權輿於前而戊午丁巳之修繼之于後也是譜也範圍祖乎丙午義例倣乎丁巳而間因時勢之拘規模書法或有出入焉然寧煩無簡要使源委有

歸此修譜之事也世之有治亂天之數也滄桑屢遷雖天潢玉牒有時不免於風飄雲散况委巷巾衍之藏可保其無慮乎故一同四派之苗裔收其散而萃之一遍布邦內冀其或失於此而求諸彼者有徵此修譜之意也春秋先正名矍相誠爲後故昭穆必謹而系后之道重貴賤有等而長少之分嚴使小不至加大新不至凌舊井井有條如繩貫碁局之不可亂此修譜之義也舉一而三者備後之有善繼者出則奚止孝悌之道行于一家推之治平一視無間未始不包乎此也今夫木之千枝水之萬派推其所自則只是一本已矣人而不知其所自來則其究或不免於執塗人而父母之之譏矣譜法之有補於風化者安可少哉讀是譜者亦不可不知此意也是歲之秋後孫叅奉宋寅燮謹跋

吾宋之族布濩邦內而世譜之重修頗舊矣不幸中歲分而各成派譜是以派系難辨行列不一且居或遐陬見漏者亦多此吾宗族之曾有所憾而後來者恐不免爲塗人矣甲寅冬始有普合之議收聚各派世系苦心釐正復成大同譜蓋其規模瞭然井井矣乃求活字本於海外克就刊役經始凡三載而告訖豈非僉宗孝思陸養之所暨乎噫當茲世道日棘我同祖之孫之覽斯譜者奉襲先德以保其家追考遺烈以立其身則庶可以無愧於承繼也夫不肖窃幸大事之順就畧敘其顛末如是云爾丁巳九月下澣後孫叅奉宋在淳謹跋

礪山宋氏族譜卷之一

始祖 二世

宋惟翊 子淑文

一名攸益或云有翼

高麗進士追封銀青

光祿大夫樞密院副

使○墓全羅道礪山

府東十里許天壺山

下文殊洞西北中峰

虎谷南今稱壺月里

寅坐丙午得成破每

年冬至祭焉俗號其

地為漏項流水穿透

山腰而出故名

世宗十八年以

元敬王后閔氏外鄉縣

陞為郡

肅宗二十四年追復

端宗位以

三世

子希植

古名南春一云南椿

官三宰追封金紫光

祿大夫知門下省事

判戶部事○墓京畿

道開城郡西面風流

洞西坐舊失傳

憲宗己酉後孫寬玉因

土人傳說探得誌石

改莎等以十月十三

日祭焉○配國大夫

人黃山徐氏父文林

郎尉衛寺主簿同正

茂○一男

四世

子松禮

字立仁高麗熙宗三

年宋寧宗開禧三年

丁卯生官推誠翼戴

輔理同德佐命功臣

匡靖大夫壁上三韓

三重大匡門下侍中

判典理司事上將軍

致仕礪良府院君食

邑一千戶食實封三

百戶元宗乙亥致仕

忠烈王十五年元世

祖至元二十六年己

丑正月二十日卒于

松都三峴里壽八十

三諡貞烈公墓京畿

長湍府西六里臨江

五世

子琰

官正憲大夫軍簿判

書舊譜云班主○後

孫廷者私世系云安

社功臣同平章事朗

山府院君諡文肅公

○配幸州奇氏父郎

將洪穎祖太師允肅

曾祖太師守全外祖

判司宰寺事長興任

景恂或云尙高麗元

宗公主○五男二女

子玠

高麗高宗二十六年

宋理宗嘉熙三年己

六世

子高惲

子邦英

子子詳

子子淵

子元美

女金渾

女張福

子瑒

子璘

子瑤

子璘

子璘

子璘

子璘

子璘

子璘

子璘

地

宙

全

全

全

全

全

全

全

全

全

全

全

全

全

全

全

全